

洪範政鑒

十一

洪範政鑒

十一之上
十一之下

洪範政鑒卷第十一之上

皇極上

傳曰皇之不極是謂不建

鄭康成曰皇不作

王者五事象五行論語曰王極象天不名體而言
為陽覆成五行論語曰王極象天不名體而言
是則天之不得為政也孔子出政說春秋曰政不
由王出不得為政也孔子出政說春秋曰政不
也建立也王象天以情性覆成五事為中事也
之政王政不中則和道大立其有中事也
國曰皇極大中道大立其有中事也
之義馬融曰大中道大立其有中事也
人厥各眊鄭康成曰君臣不思則上各同故曰
君少精厥罰常陰養萬物陰氣失故常陰
曰眊少精

厥極弱

鄭康成曰天為剛德剛氣失故於人
為弱易說亢龍曰剛貴而無位高而無

民謂弱或在云懦不恭也此射妖鄭康成曰射王
之謂弱或在云懦不恭也此射妖鄭康成曰射王

於民也射時則有龍蛇之孽鄭康成曰孽無形
其象也射時則有龍蛇之孽鄭康成曰孽無形

遊於天者也屬天蛇龍時則有華孽鄭康成曰華當
之類龍無角者曰蛇龍時則有華孽鄭康成曰華當

為本本而遊土者也時則有馬禍鄭康成曰馬畜之
於土而遊土者也時則有馬禍鄭康成曰馬畜之

疾行時則有下人伐上之病夏侯勝曰伐宜
者行時則有下人伐上之病夏侯勝曰伐宜

曰精氣情性之神曰魂魄失之行不由常併張
無度則氣情性之神曰魂魄失之行不由常併張

賢代之也常嗜其味厚其毒增以病將不開
賢代之也常嗜其味厚其毒增以病將不開



病者病不時則有日月錯行星辰失次鄭康
錯行謂薄食闕並見失次謂縮反明經天守
舍之類太公曰人主好武事兵革則日月薄
蝕太白惟五位復建避厥沴鄭康成曰君失
失行其位復立之者當明其沴見變異則知
此為貌邪言輒改過以共禦之至司之月又
必齋肅祭祀以撫其肅則凶各曰二月三月
除不言六位天不建其位也

惟貌是司四月五月惟視是司六月七月惟
言是司八月九月惟聽是司十月十一月惟
思心是司十二月與正月惟王極是司鄭康
司主也此皆據夏數夏得天之正康成或疑
此用五事之次則四月五月主視六月七月

主言非也用五行王相之比則八月九月主
三月惟思貌是司四月五月惟視是司六月七
一月惟聽是司八月九月惟言是司十月十七
極是司於四時之氣似近其實王凡六沴之
作歲之朝月之朝日之朝則后王受之歲之
中月之中日之中則正卿受之歲之夕月之
夕日之夕則庶民受之鄭康成曰自正月盡
月盡八旬為歲之中自九月盡十二旬為歲
之夕上旬為月之朝中旬為月之夕至其
日之夕平旦至食時為日之朝禹中至其
辰以次相將其次受之二辰謂日月中也假令

公受之日月夕則下公受之歲之中日月朝
則孤卿受之日月夕則大夫受之歲之夕日朝
月朝則上士受之日月夕則中士受之夕日朝
受之其餘差以尊卑多少則悉矣星辰暮同
暮夜也星辰之變夜見亦與晝同初昏為朝
夜半為中將晨為夕或曰將晨為朝初昏為朝
夕是離逢作沴惟鮮之功謂離憂也逢見也非沴
也言五行無能沴天者也鮮殺也功成也
惟凶谷之殺已成故天垂變異以沴人
貌於驕忿不恭之形謂若在去驕忿類無
期之以其月從其禮祭之參乃從祭之其神
乃順禦言於訖眾以其月從其禮祭之參乃
不訖也止言之失者厲王弭謗障民口之
從不從之刑也謂若周厲王弭謗障民口之

類禦視於忽似以其月從其禮祭之參乃從
止視之失者在於去忽似忽似者不明之刑
也謂若惑於是非象龔滔天不辨鹿馬之類
禦聽於休攸以其月從其禮祭之參乃從聽止
之失者在於去休攸休攸者不聽之刑也謂
若老夫嚶嚶小子嚶嚶誨余純純聽我眊眊
之禦思心於有尤以其月從其禮祭之參乃
類之禦思心於有尤以其月從其禮祭之參乃
從止思心之失者在於去欲有所欲者是不
不脩政而欲禦王極於宗始以其月從其禮
誅季氏之類禦王極於宗始以其月從其禮
祭之參乃從之法王極之失者在於尊用始
五德得失在斯王不極則五事皆失非一期
也大者易性小者滅身其能宗始則延期受

命之君承天制作猶天之教命說曰皇君也

也故掌祖廟之藏者謂之天府極中也。建立也。人君貌言視聽思心五事皆

失不得其中則不能立萬事失在眊悖故其

咎眊王者自下承天理物雲起於山而彌於

天天氣亂故其罰常陰一曰上失中則下易強盛蔽君明也

曰亢龍有悔貴而無位高而無民賢人在下

位而亡輔如此則君有南面之尊而無一人

之助故其極弱盛陽動進輕疾禮春而大射

以順陽氣上微弱則下奮動政有射妖易曰

雲從龍又曰龍蛇之蟄以存身也陰氣動故

有龍蛇之孽於易乾為君為馬任用而強力

君氣毀故有馬禍一曰馬多死及為怪亦是君亂且弱人

之所去不有明王之誅則有篡弒之禍故有

下人伐上之病凡君道傷者病天氣不言五

行沴天而日月錯行星辰失次者為若下不

敢沴天猶春秋王師敗績不言敗之者以自

敗為文尊尊之意也劉歆曰有下體生上之

病說以為下人伐上天誅已成不得復為病云

常陰

劉向曰王者失中臣下強盛蔽不明則常陰
春秋亡其應久陰不雨是也劉歆以爲自屬
常陰

漢昭帝元平元年四月晏駕立昌邑王賀爲
嗣賀即位天陰晝夜不見日月賀欲出夏侯
勝曰天久陰而不雨臣下有謀上者陛下欲
何之賀怒縛勝以屬吏吏白霍光光時與張
安世謀廢賀光讓安世以爲泄語召問勝勝

以皇之不極厥罰常陰對光讀之大驚以此
益重經術士後數日卒共廢賀此常陰之效也
吳孫亮太平三年八月沉陰不雨四十餘日
時將誅孫綝謀泄綝以兵圍宮廢亮此常陰
之罰也

孫皓寶鼎元年十二月太史奏久陰不雨將
有陰謀孫皓懼時陸凱謀因皓謂廟廢之不
果皓既肆虐羣下多異圖終至降亡

隋文帝開皇二十年十月久陰不雨時獨孤

后與楊素陰譖廢太子勇之應

蜺霧

京房曰有蜺蒙霧霧上下合也蒙如塵雲蜺

日旁氣占曰后妃有專蜺再重赤而專至衝

早孟康曰專負也若五月再重赤而負至十一月早也妻不壹順黑蜺

四背白蜺雙出日中妻以貴高夫茲謂擅陽

蜺四方日光不陽解而温服虔曰蒙氣解而温內聚茲

謂禽禮記聚麀之聚者蜺如禽在日旁以尊降

妃茲謂薄嗣蜺直而塞六辰迺除夜星見而

赤韋昭曰六辰女不變始茲謂乘夫孟康曰始貴於

夫終行此蜺白在日側黑蜺果之氣正直顏

不變也古曰果謂妻不順正茲謂擅陽蜺中窺實而

外專夫妻不嚴茲謂媒韋昭曰媒蜺與日會

婦人擅國茲謂頃蜺白貫日中赤蜺四背嫡

不答茲謂不次服虔曰言妻有承順之心不

以恩意蜺直在左蜺交在右取於不專茲謂

危嗣蜺抱日兩未及君淫外茲謂亡蜺氣左

日交於外聚不達茲謂不知蜺白奪明而大

溫溫而雨尊卑不別謂媾蜺三出三已三辰

除也韋昭曰若從寅至辰除則日出且雨臣私

祿及親茲謂罔辟厥異雩其雩先大溫已雩

起日不見行善不請於上茲謂作福雩一日

五起五解辟不下謀臣辟異道茲謂不見上

雩下霧風三變而俱解立嗣子疑茲謂動欲

雩赤日不明德不序茲謂不聰雩日不明溫

而民病德不試空言祿茲謂主窳臣天孟康曰君

情窳用人不以次第為天雩起而白君樂逸人茲謂放雩

日青黑雲夾日左右前後行過日公不任職

茲謂怙祿雩三日又大風五日雩不解利邪

以食茲謂閉上雩大起白雲如山行蔽日公

懼不言道茲謂閉下雩大起日不見若雨不

雨至十二日解而有天雲蔽日祿生於下茲

誣君雩微而小雨已乃大雨下相攘善茲謂

盜明雩黃濁下陳功求於上茲謂不知雩微

而赤風鳴條解復雩下專刑茲謂分威雩而

日不得明大臣厭小臣茲謂蔽雩微日不明

若解不解大風發赤雲起而蔽日衆不惡惡

茲謂閉霽尊卦用事

孟康曰尊卦乾坤也

三日而起日

不漏言亡喜茲謂下厝用霽微日無光有雨
雲雨不降廢忠惑佞茲謂亡霽天先清而暴
霽微而日不明有逸民茲謂不明霽濁奪日
光公不任職茲謂不絀霽白三辰上則日青
青而寒寒必雨忠臣進善君不試茲謂過霽
先小雨雨已霽起微而日不明惑衆在位茲
謂覆國霽微而日不明一溫一寒風揚塵知

佞厚之茲謂庫霽甚而溫君臣故弼茲謂悖

顏師古曰弼猶相戾也悖惑也

厥災風雨霧風拔木敗五穀

已而大霧庶正蔽惡茲謂生孽災厥異霧皆
陰雲之類云

漢光武建武七年四月日有暈抱白虹貫暈
在畢八度案占畢為邊兵是秋隗囂反侵安定
順帝永建五年白虹貫日唐檀曰陰陽之氣
立為虹蜺臣謀反偏刺日

靈帝光和元年六月丁丑黑氣墮北宮溫明

殿東廷中黑如車蓋起奮訊身五色有頭體
長十餘丈似龍蔡邕曰此天投蜺也不見足
尾不得稱龍易傳曰蜺之比無德以色親也
潛潭巴曰虹出后妃陰脅王者五色照宮殿
有兵革之事演孔圖曰天子外苦兵威內奪
臣無忠則天投蜺時立皇后何氏及帝晏駕
后攝政二兄秉權謀誅近侍反為所殺天下
之敗兵先興宮省外延海內起自何氏
是年七月有虹晝見御座玉堂殿前廷中色

青赤

中平六年二月白虹貫日案占天下悉極文
法大擾酷吏橫殺下多相告刑用及族吏慘
毒之應

吳孫權赤烏十一年二月白虹貫日權下詔
深戒天眚

晉武帝太始五年七月日暈再重白虹貫之
惠帝光熙元年十二月甲申白氣若虹中天
北下至地夜見五日滅占曰大兵起明年王

彌汲桑亂擾毒流天下

懷帝永嘉二年二月白虹貫日青黃暈五重

占曰近臣亂諸侯有兵亡其地明年司馬越

暴蔑人主五年胡破京都

一云王者兵圍之象

愍帝建武元年正月白虹彌天三日並照占

曰虹兵氣也天下兵作

海西公太和四年四月日暈白虹貫中六年

三月又白虹貫日暈五重十一月桓溫篡廢

安帝元興元年二月日暈白虹貫之明年桓

靈寶篡位

宋文帝元嘉中兩白虹見宣陽門外後廢帝

元徽二年八月夜白虹見四年正月貫日

射妖

魯莊公十八年秋有蜮劉向曰蜮生南越越

地多婦人男女同川妖氣所生故聖人名之

曰蜮蜮猶惑也在水旁能射人射人有處甚

者至死南方謂之短弧

顏師古曰即射工也

近射妖死亡之象時莊公將取齊之邪女故

蜮至天戒若曰勿取齊女將生邪惑篡弒之

禍莊不寤遂取之入後通於二叔二叔以死

兩子見弒夫人亦誅劉歆曰蜮盛暑所生非

自越來也京房曰忠臣進善君不試厥各國生蜮

哀公時有隼集于陳廷而死顏師古曰隼鷲鳥即今之鵠也

說者以為楛矢貫之應劭曰楛木名堪為石

砮長尺有咫張晏曰砮鏃也陳閔公使使問仲

尼仲尼曰隼之來遠矣昔武王克商通道百

蠻使各以方物來貢肅慎貢楛矢石砮長尺

有咫先王分異姓以遠方職使毋忘服故分

陳以肅慎矢試求之故府果得之劉向曰隼

貪暴類也矢貫之近射妖也死於廷國亡表

也象陳區霤不服事周而行貪暴將致遠夷

之禍為所滅也時中國齊晉南夷吳楚為強

陳交晉不親附楚不固數被二國之禍後楚

有白公之禍陳乘而侵之卒為楚滅

漢靈帝光和中雒陽男子夜龍以弓箭射北

闕吏收考問辭居貧負責無所聊生因買弓

箭以射北闕近射妖也

龍從兄陽求臘錢陽與錢千龍意不滿欲破陽家因持弓矢射東闕三發吏士呵縛首服詔報惡惡止其身龍以重論之陽不坐

其後車騎將軍何苗與兄大將軍進部兵攻

擊戰闕下苗死兵敗殺數千人雒陽宮室內

人燒盡應劭曰龍者陽類君之象

蜀車騎將軍鄧芝征涪陵見黑猿綠山手射

中之猿拔其箭卷木葉塞其創芝曰嘻吾違

物之性將死矣俄而卒此射妖也抱子曰猿母

中之子為拔箭取木葉塞創芝歎息投弩水中自知當死

晉恭帝為琅邪王好竒戲嘗閉一馬於門內

令人射之欲觀幾箭死左右曰馬國姓也射

之不祥乃止馬已被十箭矣此射妖也俄而

禪位於宋

東魏靜帝武定四年後齊神武親率諸軍攻

西魏於玉壁帝不豫班師將士震懼皆曰韋

孝寬以定功弩射殺丞相西魏下令國中曰

勁弩一發凶身自殞神武聞而惡之其疾暴

增近射妖也射者兵戎禍亂之象氣違天則

禍暴將起。神武行殿中。將軍曹魏曰。王以死
氣背生氣。為客不利。主人則可。帝不從。頓軍
五旬。頻戰。衄。又聽孤虛之言。於城北斷汾水。
起土山。其處天險千餘尺。功不就。死者七萬。
氣違天之咎。其年靜帝晏駕。明年王思政擾
河南。

後齊後主武平中。後主自并州還鄴。至八公
嶺。夜與左右歌而行。有一人忽發狂意。主以
為狐媚。伏草中。彎弓射之。傷數人。幾中後主。
執而斬之。其人不自覺也。狐而能媚獸之妖
妄也。帝不恤國政。專與內侍酣歌為樂。未幾
國滅。

洪範政鑒卷第十一之上

洪範政鑒卷第十一之下

皇極上

龍蛇之孽

夏后氏末有二龍止夏廷而言余喪之二君也

喪古國名夏帝卜殺之去之止之莫吉卜請其粢而

藏之乃吉應劭曰粢沫也血也於是布幣策告之龍亡而

粢在乃匱去之夏亡傳匱於商周三代莫發至

厲王末發而觀之粢流于廷厲王使婦人羸而

譟之粢化為黑龜入後宮處妾遇之而孕處妾宮中

童女也生子懼棄之宣王立女童謠曰糜弧箕

服實亡周國糜山桑之有黠文者木弓曰弧服盛箭者箕草似荻而細織之

為服後有夫婦鬻是器者宣王執而戮之既去

見處妾所棄子聞其夜號哀而收之遂亡奔


褒褒人有罪入妖子以贖是為褒姒幽王見

而愛之生子伯服王廢申后及太子宜咎而

立褒姒伯服代之廢后之父申侯與繒西犬

戎共攻殺幽王詩曰赫赫宗周褒姒滅之劉

向曰夏后季世周之幽厲皆詩惡違天故有



龍龜之怪近龍蛇孽也女童謠者禍將生於女國以兵寇亡也

魯莊公時有內蛇與外蛇鬪鄭南門中內蛇死劉向曰近蛇孽也先是鄭厲公劫相祭仲而逐兄昭公代立後厲公出奔昭公復入死弟子儀代立厲公自外劫大夫傅瑕使僂子儀傅瑕鄭大夫此外蛇殺內蛇之象蛇死六年而厲公立莊公以問申繻繻曰申繻魯大夫也人之所忌其氣炎以取之妖由人興也人亡豐焉妖

不自作人棄常故有妖

京房曰立嗣子疑厥妖蛇居國門闕

文公十六年夏有蛇自泉宮出

泉宮即入于泉臺

國如先君之數劉向曰近蛇孽也泉宮在圉中公母姜氏嘗居之蛇從之出象宮將不居也詩曰維虺維蛇女子之祥又蛇入國國將有女憂如先君之數者公母將薨象秋公母薨公惡之乃毀泉臺夫妖孽應行自見非見而為害也文不改行循正恭御厥罰而作非禮以重其過後二年薨

昭公十九年龍鬪鄭時門之外洧淵時門鄭城門也

洧泉洧水之泉劉向曰近龍孽也鄭以小國攝乎晉

楚之間重以強吳鄭當其衝不能修德將鬪

三國以自危亡時子產任政內惠於民外善

辭令以交三國鄭卒亡患能以德消變之效

也京房曰衆心不安厥妖龍鬪

漢惠帝二年正月旦有兩龍見於蘭陵廷東

里温陵井中温陵人姓名乙夜去劉向曰龍貴象

而困於庶人井中象諸侯將有幽執之禍其

後吕后幽殺三趙王諸吕亦終誅滅京房曰有德遭

害厥妖龍見井中又行刑暴惡黑龍從井出

武帝大始四年七月趙有蛇從郭外入與邑

中蛇鬪孝文廟下邑中蛇死其後衛太子巫

蠱事自趙人江充起

安帝延光三年濟南言黃龍見歷城琅邪言

黃龍見諸時帝聽讒免太尉楊震震自殺又

帝獨有一子以為太子信讒廢之是皇不中

故有龍孽

桓帝即位大蛇見德陽殿上淳于翼曰蛇有鱗甲兵之象也見於省中將有椒房大臣受甲兵之誅後延熹二年誅大將軍梁冀捕治宗屬楊兵京師

延熹七年六月河內野王山上有龍死長可數十丈襄楷曰龍者為帝王瑞易論大人天鳳中黃山官有死龍漢兵誅莽而世祖興此易代之應也後魏果代漢

永康元年八月巴郡言黃龍見時民以天熱就池浴見池水濁因戲相恐此中有黃龍語遂行人間聞郡欲以為美故言又先儒言瑞興非時則為妖孽而民訛言生龍語皆龍孽也靈帝熹平元年四月青蛇見御座上時委任內臣王室微弱楊賜曰詩云惟虺惟蛇女子之祥宜抑皇甫之權割豔妻之愛則蛇變可消魏明帝青龍元年正月青龍見郊之摩陂井中高貴鄉公時黃龍四見皆郡國井中凡瑞興非時為妖況困于井魏以改年非也干寶

曰魏世青龍黃龍見者皆其主廢興之應魏
土運青木色而不勝于金黃得位青失位之
象也青龍多見者君德國運內相剋伐也故
高貴卒敗于兵劉向曰龍貴象而囚井中諸
侯將有幽執之禍魏世龍莫
不在井此居上者逼制之應
高貴者潛龍詩即此旨也

吳孫皓天冊中龍乳於長沙人家啖雞雛皓

後降晉京房曰龍乳人
家王者不利

晉武帝太康五年正月二龍見武庫井中百

寮將賀劉毅曰昔龍粲夏庭禍發周室龍見

鄭門子產不賀帝曰朕德政未脩未有以應

受嘉祥遂不賀孫盛曰龍水物也何與於人
子產言之當矣但非其所處

寔為妖災夫龍以飛翔顯見為
瑞今潛伏幽處非休祥也史臣曰武庫

帝王威御之器所藏屋宇邃密非龍所處其

後七年藩王相害果有二胡僭竊神器二孽

皆字曰龍此為證矣

咸寧中司徒府有二大蛇長十許丈居聽事

平僚上人不知但數年怪府中數失小兒及

豬犬之屬後有一蛇夜出被刃傷不能去乃

覺之發徒攻擊移時乃死司徒五教之府皇

極不建故蛇孽見之

漢靈時蛇見御座楊賜以為帝溺於色之應魏

代宮人猥多晉又過之此其孽也

惠帝元康五年三月臨淄大蛇長十餘丈負二小蛇入城北門逕從市入漢城陽景王祠中不見天戒若曰景王有定傾之功而不厲節忠慎以至失職奪功之辱今齊王固不寤雖建興復之功驕陵取禍此其應也

愍帝建興二年十一月枹罕羗妓產一龍子

色似錦文常就母乳遙見神光少得就視此亦皇之不建帝終淪沒

明帝太寧初武昌有大蛇常居故神祠空樹中每出頭從人受食案占蛇見於邑不出三年有大兵國憂尋有五敦之孽

呂纂末龍出東廂井中到其殿前蟠卧比旦失之俄又有黑龍升其宮門或曰龍者陰類出入有時今屢見必有下人謀上之變後纂果為呂超所殺

後魏太武神麌六年二月真君六年二月並
有白龍見京師家人井中占曰龍神物而屈
井中帝晏駕之象

孝明正光元年八月黑龍如狗走至宣陽門
躍上穿門樓而出占魏衰之兆

莊帝永安二年晉陽龍見於井中帝晏駕晉
陽之兆

梁武帝天監二年北梁州潭中有龍鬪潰霧
數里傳曰龍獸之難害者也天之類君之象

天氣害君道傷則龍亦害鬪者兵革之象時
帝初即位有陳伯之劉季連之叛國內危懼

京房曰衆心不安厥妖龍鬪

普通五年六月龍鬪于曲阿王陂因西行至
建陵城所經樹木皆折樹木折者國有兵革
園陵殘毀之象時帝專以講論爲務不崇耕
戰將輕卒惰君道旣傷故有龍孽之應帝殊
不悟至太清元年黎州水中又有龍鬪波浪
涌起雲霧四合而見白龍南走黑龍隨之其

年侯景來降帝納之無備俄而難作

大同十年夏有龍夜因雷墮延陵人家井中
旦視之大如驢將以戟刺之俄見庭中及室
中各有大蛇如數百斛船家人奔走案占龍
陽類貴象上則在天下則在地不當見庶人
邑里室家井中幽深之象諸侯且有幽執之
禍後侯景幽殺簡文宗室王侯皆幽死
陳文帝太建十一年正月龍見南充州池中
未幾後主嗣位驕邪荒怠果以國亡

東魏靜帝武定元年大蛇見武牢城時高澄
悅北豫州高仲密之妻仲密不自安以武牢
叛陰引西魏大戰河陽神武為西兵所窘僅
而獲免

後齊文宣天保九年有龍長七八丈見齊州
大堂時常山長廣二王權重帝不思抑損明
年文宣晏駕常山廢太子高為濟南王
武成河清元年龍見濟州浴室中先是秦王
歸彥受昭帝遺詔立太子百年為嗣而歸彥

遂立長廣王湛廢百年幽死

天統四年貴鄉人伐枯桑得一黃龍折脚於孔中齊木德龍君象木枯龍折不祥之甚其年武成晏駕

後主武平三年龍見邯鄲井中有氣色屬天未幾降于周

七年并州招遠樓下有赤蛇與黑蛇鬪數日赤蛇死赤齊尚色黑周尚色鬪而死滅亡之象帝任用邪佞與周師連兵晉州委軍於孽

臣高阿那肱啓敵致敗遂為周師所虜

後周高祖建德五年黑龍墜亳州而死龍君象黑周所尚色墜死不祥之甚時皇太子不才帝每以為慮王軌宇文孝伯驟請廢立帝不能用後二歲高祖晏駕太子立虐殺齊王及孝伯因而國亡

隋文帝仁壽四年龍見代州總管府井中其龍或變為鐵馬甲士彎弓上射之象變為鐵馬近馬禍也彎弓上射又近射妖諸侯將有

兵革之變以致幽囚時漢王諒潛謀不軌故
變兵戒之諒不悟遂興兵反事敗廢為庶人
幽囚而死

唐明皇開元四年六月郴州馬崖山下白蛇
黑蛇鬪白吞黑者口眼流血黑穿白腹出俱
死是月山水暴溢漂五百家

洪範政鑒卷第十一之下





